


BIBLIOTEKA

Zakl. Nar. Im. Ossolińskich

XVII

528



iniqua
H.
station.

V.
Etat - Lucie - Ad





FAX NVPTIALIS

AD ILLVSTRISSIMOS
NOVOS CONIVGES,

GABRIELEM COMITEM IN
Tenczin, Gladiferum Regni Poloniæ:
ET ELISABETH RADIVILAM,
Ducem in Olica & Niesuis.

*Andrea Schonei S. Theologiæ in Aca-
demia Cracoviensi Professoris.*



CRACOVIAE,
In Offiina LAZARI, Anno Domini

1 6 0 3.

15.123

FAX NVPTIALIS

Ad Illustrissimos novos Coniuges

GABRIELEM COMITEM IN TENCZIN.

Gladiferum Regni Poloniae:

ET ELISABETH RADIVILAM,

Ducissam in Olica & Niesuis.

ANDREAE SCHONEI S. T. D.



I geminæ platani, simul alto vertice
furgant,

Et patûlas frondes, vmbrosa que bra-
chia inngant;

Quæ tum deliciæ charis capiuntur
ocellis.

Quæ noua suspensam pertentant gaudia mentem.

Illas prætereat si imprudens fortè viator,

Genua labant licèt, & premat acer anhelitus artus;

Ociùs ille redit sua per vestigia passu

Deproperante, decus siluæ, frondesq; comantes

Miratur, figitq; oculos, ardet que tuendo,

Nec visum satiare potest, iuuat vsq; morari.

Si quando imbrifera densantur nube tenebræ,

Auster & immensum cælo vehit agmen aquaru

Et tonitru tellus tremit, & micat igni bus æther,

Atq; indignantur validis stridoribus Euri:
Syrius aut ardens tellurem torret hiulcam,
Aret & omnis ager, flauæ moriuntur & herbæ;
Huc fugiunt Hominesq; feræq;, & tegmine opaco
Terrifici Iouis euitant irasq; minasq;, &
Atq; soporiferas umbras & frigora captant
Sic si magnanimæ stirpes, gentesq; potentes,
Seu per amicitiam, seu per connubia sacra
Sese amplectantur, dextrasq; & fœdera iungant;
Quàm pulcra est rerum facies, quàm cuncta renidēt
Lætitia, Patriæ quæ spes & commoda surgunt
Non iam seditiosa manus, mutabile vulgus
Motibus insanis agitabit, vt Africus asper
Pleiadum turbante choro, tumida æquora vexat,
Concilium & regni iusta ratione coactum
Infectum reddet, diffinget & omnia demens:
Non acuent ferrum ciues, ensesq; recusos
In se diffigent, cognataq; viscera rumpent:
Non auro vendent patriam, non hostibus ipsis
Mœnia semiruta ostendent, portasq; reuellent.
Magnanimo generosa satu procurret in arma,
Militiamq; acrem, frigusq; famemq; Iuuentus
Durabit, charum caput obiectare periclis
Prodiga, purpureo & cum sanguine fundere vitam.
In castris inter lituosq; & prælia honesti
Vsq; tenax, constans iusti q; æqui q; satelles.

Non

Non populari agros, non rapto viuere sueta;
Non fæda ingluuie & luxu rem perdere; verùm
Fortuitis mensis gaudere, epulisq; paratis,
Terrestres cænas agitare, & sanguine cassas.
Quin & Relligio, populos quæ seruat & vrbes,
Exeret auricomos vultus, turritaq; templa
Eriget, & statuet magnis cum censibus aras.
Hæresis atra petet latebras, intraq; cauernas
Sibila rauca dabit, vana rumpetur & ira,
Aut abiurabit fraudes pellacis Auerni.
Vos quoq; puræ animæ, quæ pulpita docta scholarū
Ingenij magnis fulcitis viribus, atque
Artibus excolitis, miti & pietate iuuentam,
Viçtrices lauros, & præmia iusta feretis,
Pro cura vigili, grauibusq; laboribus actis;
Durate interea, necduræ ceditæ forti
Ingentesq; animos gestate in paupere censu,
Durate, & vosmet magnis seruate patronis.
Nescio quos videor mihi cernere Mœcenates,
Et bona fortunæ rota vertier incipit ad vos,

Atque inter Litauûm procures nō clarior vlla est
Stirps Radiuiliûm, tot auos, atauosq; potentes
Enumerat, stantescq; in curribus Æmilianos,
Qui defenfarunt patriam felicibus armis,
Hostilesq; minas fregerunt fortibus ausis.
Senserunt toties Mosciq; Scythæq; gementes,

Quid queat illorum virtus, animosaq; dextra.
Iunxerunt Lithauos æterno fœdere Lechis,
Sarmatiæ & duplici firmarunt robore vires.
Clarorum ergò Ducum prælustria nomina adepti,
Et Regum affines æterna laude canentur.
Ipsos Roma etiam Fidei suprema potestas,
Relligionis apex, Petri indubitataq; sedes,
Sacro purpurei decorauit honore Senatus.
Quo vos Tencinij Eloquio, quo Carmine dicam,
Antiquum germen, plenum & virtutibus amplis.
Quorum maiores Lechi comites focijq;,
Nunc latè armifonis legionibus imperitarunt,
Exercere boni fera munera militai,
Nunc stabiliuerunt pacem prudentia & æquo,
Sarmaticum cælum portantes viribus altis.
Si quando in lato populo furiosa coorta est
Seditio, atq; animis sænitum est acribus; vltro
Læti affulserunt semper, patriæq; salutem
Dulceque solamen cum libertate tulerunt:
Illorum & nutu cecidit fragor omnis & ira.
Si quando patriam vrgerent inimitia fata,
Et circumstarent hinc inde periculi & hostes,
Voce salutiferæ Starzæ Generosa iuuentus
Martem accendebat, se & fortia in arma ciebat.
Ipse SIGISMUNDVS primus REX optimus olim
Iam moriens, claudensq; suprema lumina nocte,
Vocibus

Vocibus extremis Radiuulos Tencinioſq;
Auguſto nato memori laudauit honore,
Illius & curæ, patrocinioq; reliquit.

Quare lætitiæ plauſus iuuat edere, feſtis
Et foliis veſtire ædes, aulæaq; picta
Figere parietibus, thuriſq; accendere odores.
TENCINIUS GABRIEL, quo non præſtantior inter
Florentes iuuenes, forma, pietate, ſatuq;
Ante annos animumq; gerens, ſenſuſq; ſeniles,
Cuius ab ore fluunt mera mella meriq; lepores,
Tullij ad Eloquentiam natura factus & arte,
Connubio iungit ſtabili ſociam ſibi vitæ
ELIZABET RADIVILAM illuſtri ſanguine cretam,
Qua non famineos inter præſtantior vlla
Coetus, ſtirpe, decore oris, pietate, pudore,
Naturam ſuperat teneram virtutibus amplis,
Atq; virilem animum muliebri in corpore verſat.
Nata bono genitore, oras qui Sarmaticæ Arcti,
Inſtruit innocua vita, pietateq; rara.
Immenſaſq; effundit opes, cenſuſq; opulentos,
Munificis dextris in templa ſcholæſq; inopeſq;
Vidit Idumæas, emenſus tot freta, terras
Atque Palæſtinum veneratus puluerem, & ore
Pronus adorauit veſtigia ſancta Salutis.
Vidit Bethlemium vicum, Dei vbi Enthea proles,
Humanos induta artus, has luminis auras,

In vili stipula, tremulis vagitibus hausit.
Nazaret & vidit Domini nutriculum amicam,
Iordanisq; sacros ausu bibit ore liquores.
Illud & excisum solida de rupe sepulchrum,
Quo Christi exanimis iacuerunt frigida membra,
Planctibus impleuit, lachrymisq; rigauit amaris.
Ascensu euasit montis Thabor iuga celsa,
Christus vbi totus mutato apparuit ore,
Titanisq; instar, diuina luce refulsit,
Sarmaticasq; niues candore anteiuit amictus.
Sic & Oliuiferi stetit alto in vertice montis,
Victor vbi noster, spolijs ornatus opimis,
Angelicos inter plausus, stipante caterua
Immensa patrum, superas remeauit ad arces.
Vidit & horrendas Solymæ infelicis arenas,
Quas super haud impunè queunt fundamenta poni.
Multa mari & terra passus, tot adire labores,
Voluere tot casus, pietas animosa monebat.

Qualem progeniem fælici stirpe daturæ
Estis, ô illustres animæ, par nobile amantum.
Quæ patris ingenium referat, mentisq; vigorem,
Atq; pudicitiam matris notet ore oculisq;
Perq; exempla patrum, vestigiaq; alta atauorum,
Ad decus æternæ virtutis tendat anhelans.
Marte togaq; potens, nunc acres fortis in hostes
Irruat, & spolia ampla ferat, laudemq; perennem,
Nunc

Nunc pace in media Regem procereſq; fideli
Conſilio iuuēt, & curas & pondera Regni
Sūſtineat, Ciueſq; ſuos tueatur & ornet.

Fortibus atq; bonis ſimiles naſcuntur, & ardor
Et vigor ingenuus puro cum ſanguine in artus
Corda q; natorum manat, licet improba proles,
Sæpe malis culpis fœdet bene nata prematq;.
Non generat timidum Damam Getula Leæna,
Armiger haud q; Iouis pauitanti corde columbam,
Trax & Arabs Sonipes, campis aut natus Iberis,
Quem q; fouet, multa exercetq; Neapolis arte;
Non edit pecus ignauum, mulum q; aſinum q;
Aut iuga ducentem dura ceruice caballum;
Sed progignit equum, qui flammas naribus efflet
Mordeat & frænos, ſpumæq; agat ore cruento,
Stare loco nequeat, micet auribus & tremat artus,
Quem litui q; tubæ q; iuuent, belli & fragor ingens.
Sic Macedo ille potens, forti genitore creatus
Fregit opes Aſiæ, Babilonia regnaq; cepit,
Fortibus atq; armis fuſcos penetrauit ad Indos.
Sic & Scipiadæ gemini, maiorq; minorq;
Africa victa, quibus peperit memorabile nomen,
Impigris vexare hoſtes maioribus orti,
Alter inextincta proſtrauit adorea atrocem
Hannibalem, tantis qui ſtragibus atq; ruinis
Italiam impleuit, tot funera damnaq; mouit:

Alter


Alter fœdifragæ toties Cartaginis arces
Diffidit, euertit, flammisq; vlttricibus hausit,
Curuaq; disiectis muris impressit aratra:
Tandẽ aliquando metu soluens corda alta Quiritũ,
Et reduci somno demulcens membra Catonis.
Sicq; Palatini illius, qui sceptrâ tenebat
Sarmatiæ cum alijs, post funera Lechiadarum,
Sanguine Siecechus natus, quæ prælia victor
Edidit, & quantus consurgere suetus in hostem.
Cuius vos estis, post tempora longa, Nepotes,
TENCINI, illius de posteritate oriundi.


Quare felici vos numine inite hymenæos,
Coniugij & sacri fœdus venerabile fidis
Pectoribus, puroq; animo seruate fideq;.
Non mala suspicio mentes exasperet acres
Infestis odiis, non linguam in iurgia soluat
Exacuatq; graues iras discordia demens.
Absint compositæ fucato in pectore fraudes,
Insidiæq; doliq; aque artes mille nocendi.
Absit mæror edax, absint curæq; minaces,
Quæ tacito mentem corrodunt vulnere, & omnem
Visceribus succum exsorbent, membrisq; vigorem,
Nec vos pallentes morbi, queruliq; dolores
Tentent, non artus febris depascat anghela.
Luridus & pallor non occupet ora genasq;
Sed semper vigeat mens sana in corpore sano,

Corpo-

Corpore & in gemino mens vna sit, vna volunta
Viuite florentes virtutibus, & sine labe,
Exortes vitijq; omnis, procul atq; querela.
Nascatur thalamo fæcundo mascula proles,
In spem Tencinidûm, magnû & patriæ incrementû. 71
Nascatur roseis oculis labrisq; puella,
In spem Connubij procerumq; Ducumq; potentû.
Deniq; quodcunq; in mundo splendetq; hilaratq;
Quicquid & exoptant homines, mirantur amantq;,
Ominibus lætis, votisq; fauentibus opto.
Siste Thalia gradum, felicia verba profata:
Et pro coniugibus tacitè pia numina adora.









8107
—
9

